



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pavli Laymann è Societate I: Theologiae Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiae

6. De voto conditionali.

urn:nbn:de:hbz:466:1-40716

C A P. VI.

De voto *Conditionali.*

Votum conditionatum imperfectam & suspensam obligationem continet, ita vt vouens teneatur seruare propositum implendi votum, si conditio euenierit, nec debet se interim, dum euentus conditionis speratur inhabilem reddere ad executionem voti v.c. qui vouit, se Religionem ingressurum, si pater ex India reuersus fuerit, is non potest interim matrimonium contrahere.

Non peccat vouens, si apposita conditione euitet, vel impediat ne vel obligationem contrahat v.c. aliquis vouit esemosynam se daturum, si iurauerit se iulurum, non peccabit si abstinerit ideo à iuramento & iusu. Cum enim voues adhuc liber sit à voto, poterit eius obligationem subterfugere, vel impedire quocunq; modo secundum se non illicito. Quod si verò vouens lege aut præcepto obligatus sit ad conditionem seruandam, tunc peccabit contra religionis virtutem si non seruauerit. v.c. si spacio vnius anni fornicationem euitauro in gratiarum actione ingrediar Religionem, talis si intra annum fornicetur ea intentione, vt voti obligationem subterfugiat, non tantum contra castitatem, sed etiam religionem talis peccabit, violando quodammodo pactum cum Deo initum.

Item si propter valetudinem voueas Religionis ingressum, licet bibendo, comedendo lædas, nō peccas, contra votum; item si voueas Religionem, si pater consenserit, poteris precibus apud patrem instare vt te liberet à voto; Ratio, quia vouens non censetur se obligare ad promerendum vel nulla ratione impediendum conditionis euentum.

Ddd Qui

3 Qui aliquid Deo vouet vel homini promittit sub conditione consensus paterni, statim obligatur, si pater consensum præbeat: Licet postea consentiat.

NB. Si quis voueat Religionem si pater consentiat, patre dicente, se nec suadere, nec dissuadere, tunc ceteri debet conditio impleta. Nam qui vouet sub conditione consensus paterni, eius animus censetur esse, se obligare velle, nisi pater agere ferat, vel dissuadeat. Qui autem tacet, non utique fatetur, sed tantum verum est eum non negare, siue contradicere. Idem sentiendum, si pater ante consensum moriatur, quia spectato sine vouentis satis est patrem non contradicere, seu non se opponere.

4 Etiam si aliquis dolo efficiat ut apposita voti conditio non impleatur, obligationem subterfugere videtur, vel enim talis vouens (V.C Religionem, si fornicatus fuerit) qui fraude postea usus est, ad voti conditionem obligatur ratione conditionis impletæ, vel ratione peccati commissi, neutrum dici potest. Non primum, quia reuera conditio impleta non est, si quidem à fornicatione præseruatus non est: adde incertum etiam esse, etiam si is fraude usus non esset, utrum conditio, quippe suapte natura contingens, impleta fuisset, nec ne. Non secundum, nam hoc discrimen est inter violationem promissionis Deo factæ & hominem quod illam obliget ad penitentiam, & satisfactionem pro peccato & iniuria Deo illata: Hæc vero ad restitutionem damni homini illati.

Quia homini violatione iuris sui damnum inferatur in bonis ei vtilibus, quod compensari poterit ac debet: Deo autem transgressione voti nulla vtilitas decedit, quæ restitui possit ac debeat, sed tantum hono

honor & cultus debitus aufertur, qui per penitentiam ei restituitur.

Quare generalis regula tradi potest, quod transgressio voti non obligat ad compensationem, v. c. si vouisti certo die ob specialem deuotionem, te ieiunaturam atque tunc intermittas culpam, vel inculpam, non teneris alio die compensare.

CAP. VII.

Quenam persona uouere possint.

OMnis homo viator habens usum rationis valide uouere potest, ante septennium tamen irrita censetur, nisi probabilissimæ coniecturæ suadeant sufficientem usum rationis fuisse; post septennium tamen validæ præsumantur nisi coniectura sit defectum fuisse ex rationis usu profecto.

Ecclesia in quibusdam uois; certam formam seu conditionem requirit, quæ non obseruata, irrita sunt, ad eum modum, quo lex ciuilibus promissionibus, & contractibus certam formam præscribere potest, sine qua valorem non habeant, neque idcirco Ecclesiastica potestas diuino iuri derogat, quia Deus non acceptat vota, quæ ab Ecclesia ob iustam causam infirmantur, sicut etiam remittit obligationem ualorum, in quibus Ecclesia ex iusta causa dispensauit, idque ex vi promissionis factæ S. Petro Matth. 16. Ut quod ipse solueret in terris esset & solutum in cælis, ad hunc modum Ecclesia infirmat vota facta ex graui iniusto metu, item religionis professione facta ab impubere, hodie iuxta Trident. Irrita est professio facta ante annum 16. completum.

NB. Ecclesia nõ habet iurisdictionem super actus

Ddd 5 mere